

Broj: 01-07-694-02/10
Mostar, 21.05.2010. godine

Na osnovu člana 12. stav (1), člana 14. stav (1) i člana 16. Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), te člana 29, člana 31. stav (2) i člana 40. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), kao i člana 4., 5., 8. i 15. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 37/05) i Odluke broj 01-07-351-01/10 od 16.3.2010. godine, Regulatorna komisija za električnu energiju u Federaciji Bosne i Hercegovine – FERK je na VIII redovnoj sjednici, održanoj u Mostaru dana 21.05.2010. godine, donijela sljedeću

O D L U K U

Član 1.

Opšta rasprava o revidiranom nacrtu Pravilnika o izvještavanju održat će se dan 09.06.2010. godine u 11:00 sati u prostorijama FERK-a, Blajburških žrtava br.33, Mostar.

Član 2.

- (1) Imenuje se Senad Aganović, za voditelja postupka opšte rasprave iz člana 1. ove Odluke.
- (2) Po zaključivanju postupka opšte rasprave iz člana 1. ove Odluke, imenovani iz stava (1) ovog člana, dužan je napraviti pisani izvještaj sa preporukom za razmatranje FERK-u, a po potrebi može osigurati i usmeni izvještaj FERK-u na internom sastanku ili redovnoj sjednici.

Član 3.

- (1) Usvaja se Obavještenje o opštoj raspravi o revidiranom nacrtu Pravilnika o izvještavanju, u tekstu kako je predložen na dnevni red za redovnu sjednicu.
- (2) Tekst Obavještenja o opštoj raspravi o revidiranom nacrtu Pravilnika o izvještavanju je sastavni dio ove odluke.
- (3) Obavještenje za javnost iz stava (1) ovog člana objavit će se u „Dnevnom listu“ i „Dnevnom avazu“, kao i na web stranici FERK-a na dan 26.5.2010. godine.

Član 4.

Za realizaciju ove Odluke zadužuje se Sektor za tarife i Sektor zajedničkih poslova.

Član 5.

Odluka stupa na snagu danom donošenja i objavljuje se na oglasnoj tabli i web stranici FERK-a.

O b r a z l o ž e n j e

Članom 14. stav (1) Statuta FERK-a propisano je da FERK donosi opšte i pojedinačne akte, dok je članom 12. stav (1) Statuta FERK-a i članom 31. stav (2) Poslovnika o radu FERK-a propisano da se konačno odlučivanje o pitanjima iz nadležnosti FERK-a utvrđene Zakonom vrši uvijek na redovnoj sjednici.

Članom 16. Statuta FERK-a propisano je da FERK može u pripremi za donošenje opštih akata kojim se propisuju regulatorne aktivnosti zatražiti mišljenje javnosti.

Članom 29. Poslovnika o radu FERK-a i članom 4. Pravilnika o javnim raspravama i rješavanju zahtjeva i žalbi FERK-a propisano je koje vrste javnih rasprava FERK može voditi tokom postupaka opisanih pred FERK-om, kao i da FERK zadržava diskreciono pravo da definiše vrstu rasprave koja će se provesti u bilo kojem postupku koji treba da se održi pred FERK-om. Članom 40. Poslovnika o radu FERK-a propisano je da FERK održava javnu raspravu prije donošenja, izmjena, dopuna, povlačenja iz procedure, usvajanja ili stavljanja van snage pravila ili propisa, a u cilju pribavljanja komentara zainteresovanih lica.

Članom 5. Pravilnika o javnim raspravama i rješavanju zahtjeva i žalbi FERK-a propisano je da se opšta rasprava organizuje za javnost u cilju dobivanja komentara zainteresovanih lica na pravila, propise ili uputstva ili bilo koji drugi dokument koji predloži FERK. Član 8. Pravilnika propisuje da postupak opšte rasprave počinje odlukom FERK-a, kojom se određuje predmet javne rasprave, mjesto i vrijeme njezinog održavanja, voditelj postupka, odnosno način dostave komentara javnosti u postupku opšte rasprave. Voditelj postupka pravi pisani izvještaj, koji sadrži kratak sadržaj komentara na raspravama, eventualne preporuke kao i sve revidovane nacrt pravila i propisa, a može dati i usmeni izvještaj FERK-u na internom sastanku ili redovnoj sjednici, u skladu sa članom 15. Pravilnika o javnim raspravama i rješavanju zahtjeva i žalbi FERK-a.

FERK je na VIII redovnoj sjednici održanoj dana 21.05.2010. godine, usvojio revidirani nacrt Pravilnika o izvještavanju, koji se u skladu sa navedenim upućuje u postupak opšte rasprave.

Zbog svega navedenog, odlučeno je kao u dispozitivu ove odluke.

PREDSJEDNIK FERK-a:
Zdenko Šimunović s.r.